

Date – 02/06/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Tuilian leh leimin nasa avangin Kolasib leh Lunglei Dist ah te chhungkaw thahnem takin harsatna an tawk.**
- 2. Supply Department chuanMizoram district hrang hrang godown 61 ah fur tla buhfai thlen fel vek a nih tawh tih a sawi.**
- 3. Prime Minister Narendra Modia leh Paraguay President Santiago Pena Palacios te chu vawiin khan New Delhi-ah an inkawm**
- 4. Rampumah Covid-19 hri vei mek 3960 an awm.**

<><><>

WEATHER

Ruah sur nasa avangin Tlawng Lui a lian zel a, hriat theih chinah Bairabi North VC huam chhungah chenna In 25 atangin bungrua thiar chhuah ani tawh.

Mizorama Lui sei ber ti a hriat Tlawng Lui chuan len lam a pan zel a, Tlawng Lui lian hian Bairabi leh Hortoki khua a kuthnathawktute Nu tam tak a chim pil tawh ani.

Tlawng Lui lian hian Bairabi North VC huam chhung hmun thenkhat a chim avangin nizan khan Bairabi Jt VC leh Jt YMA te hmalakna in chenna In 17 atangin bungrua thiar chhuah ani a, tukin zingah In 8 atangin bungrua thiar chhuah leh niin, bungrua an thiar chhuah te hi Relief Camp atana ruahman MAMSOL Pvt Industry Kudam ah dah ani.

Tuilian leh leimin nasa tak avangin Lunglei Dist. khawthlang lam Tlabung, Tiperaghat, Malsury, Tuichawng leh Sugarbasora-ah chhungkaw 82 te an in leh lo chhuahsanin hmun him lamah sawn an ni a. Tlabungah hian chhungkua 26 sawnchhuah niin chhungte inah leh Bengali school-ah te leh Trade Facilitation centre-ah te dah an ni. Tiperaghat-ah hian chhungkaw 30, Malsury-ah chhungkaw 1 leh Tuichawngah chhungkaw 4 sawn chhuakin Sugarbasoro-ah hian leimin nasa tak vangin chhungkaw 18 chu an in atanga sawn chhuah an ni.

Lunglei Dist District Disaster Management Authority Chief Executive Officer chuan chhiatna hmun 74-ah dawngin leimin a tam ber a, tui lianin De

Lui a la chhe vek a, thli in chhungkaw 10 vel chenna in a tih chhiatsak a ni. Aizawl leh Lunglei inkar kawng pin avangin vawiin khan Lunglei atangin Aizawl pan khualzin phur lirthei tlan a awm lova, tun dinhmunah erawh Inkalpawhna kawng engemawzah thenfai a ni.

Aizawl Traffic Police tarlan dan in Zuangtui lei tlahniam chu a tlahniam belh avangin Lirthei lian chi a tlan tlang theilo a, Thuampui ah Lirthei lian bik tan kawng dan a ni a, Nimin lama Temple leh Vaivakawn inkar a kawng chhak atanga leimin avangin vawiin thleng in a thenfai hna la thawh mek a ni a, Vaivakawn Zohnuai leiminna hmun chu tlahniam leh in LMV motor tan pawh kawng a tih nal avangin tlan a harsat tawh thu Aizawl Traffic chuan an sawi bawk.

Sr Superintendent of Police, Traffic, Aizawl Pu Ruatsanga Ralte chuan mipuite chu chhiatna pumpelh nan chhuak tam lo tur leh mahni in luma awm tam turin a chah a ni.

(Byte of Pu Ruatsanga Ralte)

Vawiin khan Aizawl Vaivakawn thlanmual bawr vel, Vaivakawn Zohnuaiah lei a che a, chhungkaw pasarih sawn chhuah niin Vaivakawn Zohnuaia lei hi hmun engemaw zatah thuk tak takin a khuar a ni.

Tunhnaia ruah sur nasa vangin Khawzawl District chhungah harsatna chi hrang hrang a thlen a, chenna in chhia leh luah zui ngam loh engemawzat a awm a ni. Kan corr sawi danin khaw hrang hrangah leimin a tam hle a, khaw kar kawng tamtakah a pin phah bakah sangha dil, leilet, Sawhthing hmun leh huan chhia a tam hle a. Khawzawl Police Petrol Pump-ah tui a luh vangin Oil an hralh chhuak ngam lova, Khawzawl tuilakna Line hrang hrang te pawh tun dinhmunah chhe vekin hun engemawchen tui sem theih a ni dawn lo a ni.

Vawiin khan Khawzawl DC, DDMA Chairman ni bawk Pu K. Vanlalthiana chuan Kawikulh, Dulte leh Puilo khua te tlawhin vanduaina tawh te hnenah tanpuina pawisafai leh Silpaulin a hlan a ni.

Nimin lam aiin nizan leh vawiin lam ah Lawngtlai District ah ruah a sur tlem deuh a, Lawngtlai pawhtu kawngte chu leimin leh thingtlu vanga ping awm nual mahse, a theih ang angin sial tlang hna thawh niin, inkalpawhna bikah harsatna liantham thleng a la awmlo.

Lawngtlaia inrellai tela in 7 chim vanga National Highway 02 ping chu sialtlang theih huntur a la hriatlohva, kawng pinna lai hi Metres 150 chuang vel niin, bungrua senghawi ngai a la tam vangin kawngpui tlang huntur hi a la hriatloh.

Puantawh angin Lawngtlai a Inchim ah hian thi leh hliam an awmlova, Hotel a thleng mi pathum In in a chimuite chu himtakin chhanchhuah an ni.

Ruahsur nasa avanga chhiatna hrang hrang a thlen avang hian Mizoramah zirna in te vawiin a ni 3-nan khar zui a ni a.

Khawchin thlir lawktu State Meteorological Centre sawi danin vawiin hian Mizoram hmun hrang hrangah ruah a sur nasa leh dawn a, a bikin Lunglei, Lawngtlai leh Siaha hmun thenkhatah te ruah a tam tura rin a ni, naktukah Kolasib leh Mamit Dist ah te a sur tam rin a ni bawk a ni.

BYTE-Sudheer Kr

Khawchin thlir lawktute chuan hmun thenkhatah chuan thli leh ruah tam tham tak leh tek a tlak theih avangin mipuite chu fimkhur turin an chah a. Furpui chhunga ruahsur nasa leh thlipui tleh avanga chhiatna hrang hrang thleng thei laka an him theih na’n mipuite chu mahni in leh lo te thli leh ruah dawl thei turin a tul anga thawmtha tur leh rangva leh thil dang thlawk thei awmte hmun him lama senghawi turin an chah a, in hmunhma chhe thei mai te chu hmun him lam pan turin an chah bawk a ni.

<><><>

SUPPLY

Food, Civil Supplies & Consumer Affairs Department chuan kum 2025-2026 monsoon stock chu Mizoram district hrang hrang godown 61 ah thlen fel vek a nih tawh tih a sawi.

Supply Dept Joint Director Pu Lalthanmawia chuan Fur ruah tui in a kawng a tih chhiat chhunga eitur stock tawh zat hi Quintal nuai 1 sing 4 & 2913 a ni a ti a, heng te hi District tina godown ah te stock a nih tawh thu a sawi a, heng buhfai stock te hi khaw thenkhat ah chuan May thla atang khan an ei tan tawh a, June thla atanga ei tan tur an awm bawk a ni a ti.

(Byte of Pu Lalthanmawia)

Supply Department hian thu chhuah siamin Kumin furpui lo thleng mekah ruah tui nasa takin a tla mek a, Mizoram chhungah chhiatna leh harsatna a thlen mek laiin buhfai chhek khawl dinhmun a tha a, manganna tur a awm lo a ni tih mipui a hriattir a. Fur lai a tlawh pawh that theih loh khua-ah bufai chungchangah thlaphanna tur a awm lo a ti.

<><><>

SOCIAL WELFARE MINISTER

Health Minister Pi Lalrinpuin Mizoram Universal Health Care Scheme (MUHCS) chungchanga Aizawl Private Hospital te nen an inrem lawk theih loh chhan chu Sorkar hmasa lama bat ral sak a tam thin em vang ani a ti a, tunah hian Cashless thei turin inbiakna an kalpui reng thu leh Synod Hospital-ah pawh hman theih tura an inrem thuai a beisei thu a sawi.

He thu hi vawiin a ZPM Southern Hqtrs. Lunglei a an Party chhung inkhawmah sawiin Pi Lalrinpuii chuan MUHCS Lungleiah chuan Serkawnah a hman theih tawh bawk a ti a, tun dinhmunah PHC hrang hrangah Doctor thar a ngeth a thawk tur 9 an lak bakah NHM atangin Doctor 39 an la thar tih a sawi a, Sub Centre pawh hnawhkhah a semrual niin 87 chu an hnawhkhat tawh a, Health Worker 100 lak thar leh a hnawhkhat leh an tum mek tih a sawi.

Health Minister hian vawiin khan Lunglei Municipal Council (LMC) hnuaia Lunglei khawpui chu bawlhhlawh awm lohna khawpuia siam tura, 'Garbage Free City Lunglei Project' kalpuina tur a hawng a ni.

<><><>

VIKSHIT KRISHI SANKALP ABHIYAN (VKSA)

Sorkar laipui ruahmanna hnuaia kalpui thla kalta May ni 29 atanga bultan Vikshit Krishi Sankalp Abhiyan (VKSA) Campaign chu Mizoram ah nasa taka ruah a sur chhunzawm zel avangin tih tawp lailawk a ni.

Tarlan tawh angin VKSA campaign ah hian hlawk zawka Buh leh Thlai thar chhuah anih theih nan kuthnathawktute chu an Lo leh Huan ah department hrang hranga thawk mithiamten kal chilh in, an hriat tur zirtir in, zawhna leh chhanna hun pawh buatsaih ani thin a,

Hmun dang angin Kolasib ah pawh kar kalta zirtawpni khan Kolasib DC Pu Robert C. Lalhmangaiha chuan Kolasib Venglai Bazar ah VKSA campaign hi hawngin, campaign a feh chhuak tur mithiamte chuanna Lirthei pathum vailiam in, VKSA campaign chu tluang taka nei turin duhsakna a hlan a, kuthnathawktute chu an thil hriat loh te mithiamte hnenah zawt hrehlo turin a chah a ni.

Ruahman dan chuan VKSA campaign hi tun June thla ni 12 thleng neih tur a tih ani a, khua in a zir tak loh avangin chhunzawm hun tur leh zawh hun tur sawi theih ani rih lo a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PM

Prime Minister Narendra Modia leh Paraguay President Santiago Pena Palacios te chu vawiin khan New Delhi-ah an inkawm. Ram pahnih inkara thu pawimawh tak tak ngaihtuah a ni a. Prime Minister Modia chuan thusawiin ram pahnihte chuan thawhdunna tur huang an ngah thu sawiin heng zingah hian digital technology te, agriculture, ram venhimna, railways, vansang zirbingna leh a dang tam tak a awm a ti a.Firfiakte do kawngah India leh Paraguay te chu an thawhdunna a tha hle tih a sawi bawk a ni.

(Byte)

President Palacios hi ni thum cham turin a lo zin a. A cham chhungin Prime Minister Modia bakah President Droupadi Murmu, Vice President Jagdeep Dhankar leh External Affairs Minister Dr.S.Jaishankar te a kawm dawn bawk a ni.

<><><>

COVID-19

Rampumah Covid-19 hri vei mek 3960 an awm. Union Health and Family Welfare Ministry sawidanin hri vei mek hi Kerala-ah tam berin 1435 an awm a. Maharastra chuan dawtin 506 awmin Delhi ah 483 an awm bawk a ni.

Dr.Ram Manohar Lohia Hospital thawk Dr.Pawan Kumar chuan Akahsvani zawhna chhangin Covid kai damlo te tan damdawiin an inpuahchah that thu a sawi a. Tuna hrileng mek variant chu a na lo chi anih thu sawiin mipuite tan chiaina tur a awm loh thu a sawi a ni.

<><><>

DELEGATES

Firfiakte laka beihpui thlak leh Operation Sindoor chungchang tlangaupui tura Parliamentary delegates tirh chhuahte chuan ngawrh takin an thawk mek zel a. Vawiin khan All Party aiawh palai NCP-SCP MP Supriya Sule kaihhruaite chuan Egypt an thleng a. Nimin khan Ethiopia an tlawh bawk a ni.

Hetihlai hian JD(U) MP Sanjay Kumar Jha kaihhruai nimin khan Kuala Lumpur-ah People's Justice Party aiawhte an kawm a. Shiv Sena MP Hrikant Shinde kaihhruaite pawhin Liberia ah hun an hmang bawk a ni.

Congress MP Shashi Tharoor-a kaihhruai MP rualte chuan Brazil ah hun an hmang mek bawk a ni.

<><><>